

Coa lámpada acendida

Xesús, hoxe queremos darche grazas por todo o que no evanxeo nos ensinaches.

Como aquelas cinco doncelas sabias e prudentes, queremos estar sempre coa lámpada da oración acesa para saír ao teu encontro e gozar da festa que é estar contigo, compartindo todo o que nos pasa.

Que importante é a oración continua, constante, coidada, sos ou en familia, que nos une a ti e achéganos aos irmáns.

Recordamos a tantas persoas que como aquelas cinco doncelas se desaniman, non se cren de verdade o que vés ao noso encontro e déixanse levar polo sono, a preguiza ou a falta de fe.

Xesús, nesta pandemia, carga os nosos depósitos de sensatez e prudencia, de sabedoría para enfrontarnos aos perigos que nos axexan, sen perder o sentido común, a alegría e a esperanza. E que recordemos sempre que para manter a lámpada da oración e da fe necesitamos da comunidade, da igrexa diocesana que nos ofrece grupos de formación e catequese, celebracións da fe e grupos para canalizar o noso compromiso social.

Guía, Señor, o noso bispo D. ... para que nos guíe na fe e una os seguidores de Xesús na nosa diocese de N. ...



Evanxeo
8-novembro-2020
Ordinario 32º-A



Facer oración
lévate ao encontro



**Ve al
encuentro
de Jesús y
reza. A él
no le
contagias.**

Ordinario 32º

SABIDURÍA 6, 1-12: *Os que buscan a sabedoría encóntrana.*

Radiante e inmarcescible é a **sabedoría**, vena con facilidade os que a aman e quen a buscan atópana. Adiántase en manifestarse aos que a desexan. Quen madruga por ela non se cansa, pois a atopa sentada á súa porta. Meditar sobre ela é **prudencia** consumada e o que vea por ela pronto se ve libre de preocupacións. Pois ela mesma vai dun lado a outro buscando aos que son dignos dela; abórdalos benigna polos camiños e sálles ao encontro en cada pensamento. *Palabra do Señor*

SALMO 62: R/. A miña alma está sedenta de ti, Señor, meu Deus.

1ª TESALONICENSES 4,13-18: *Deus levará con el, por medio de Xesús, os que finaron.*

MATEO 25,1-13: *Que chega o esposo, saíde ao seu encontro!*

Narrador: Naquel tempo, díxolles Xesús aos seus discípulos esta parábola:

Xesús: «Parecerase o reino dos ceos a dez virxes que tomaron as súas lámpadas e saíron ao encontro do esposo. **Cinco delas eran necias e cinco eran prudentes.** As necias, ao tomar as lámpadas, non se proveron de aceite; en cambio, as prudentes levaron aceiteiras coas lámpadas. O esposo tardaba, entroulles soño a todas e durmíronse. A media noite oír unha voz:

Voz: *“Que chega o esposo, saíde ao seu encontro!”*

Narrador: Entón espertáronse todas aquelas virxes e puxéronse a preparar as súas lámpadas. E as necias dixeron ás prudentes:

Necias: *“Dádenos do voso aceite, que se nos apagan as lámpadas”.*

Narrador: Pero as prudentes contestaron:

Prudentes: *“Acaso por se non hai bastante para vós e nós, mellor é que vaiades á tenda e volo merquedes”.*

Narrador: Mentres ían compralo, chegou o esposo, e as que estaban preparadas entraron con el ao banquete de vodas, e pechouse a porta. Máis tarde chegaron tamén as outras virxes, dicindo:

Necias: -Señor, señor, ábrenos.

Xesús: Pero el respondeu:

Noivo: *“Dígovos, en verdade, que non vos coñezo”.*

Xesús: Xa que logo, **velade, porque non sabedes o día nin a hora».**

Palabra do Señor.

(Narrador-Xesús-Voz-Necias-Prudentes-Noivo).



Facer oración lévate ao encontro

1. VER: Botamos de menos os encontros

- Neste tempo de pandemia pídenos que nos confinemos, que evitemos estar xuntos. Pero canto nos gustar estar cos amigos, ver os avós, facer festa, abrazar os que queremos.
- Cando estamos xuntos, falamos, animámonos, xogamos, compartimos o que facemos, pasámolo ben. Pero agora pídesenos prudencia, sensatez, atoparnos telematicamente.

Como estades pasando este tempo? Como vos comunicades con outros?

2. XULGAR: Facer oración lávate ao Encontro

- No evanxeo deste día, **Xesús conta aos discípulos a parábola das 10 doncelas** que estaban invitadas á festa. Para entrar había que levar aceite suficiente na lámpada para non quedar ás escuras. Cinco levaban as lámpadas cheas de aceite e entraron ao encontro do noivo. Pero as outras cinco quedaron fóra porque as súas lámpadas xa non iluminaban. E perdéronse a festa.

QUE NOS QUERE DICIR? Que necesitamos ir ao encontro con Xesús, pero para iso hai que levar a lámpada acesa. De que lámpada se trata?

-Da lámpada da oración: No debuxo de Fano aparece a palabra “rezar”.

***Orar é dialogar con Xesús,** escoitar o que nos di, intimar, confiarlle as nosas cousas. A oración ha de ser constante, continua, confiada, coidada, esperanzada. Debemos sentirnos habitados polo misterio de Deus que todo o envolve. Coa oración todo o podemos.

***Hai moitos xeitos de orar:** sos ou en silencio deixando que fale o corazón, con esas oracións que coñecemos, dicíndolle “grazas por”, “pídoche por”, “perdoame por”... Oramos en familia ao deitarnos, ao comer. Oramos coa eucaristía composta de moitas oracións. Fai da túa vida unha oración.

-O libro da Sabedoría, escrito no s. I a. C., fálanos doutros aceites “luminosos” para movernos na vida (e máis nesta pandemia): **a prudencia, a sensatez, a sabedoría** (saber estar na vida)...

-E un **detalle:** saen 5 doncelas, non unha soa. Hoxe celebramos o día da Igrexa Diocesana. Nós imos xuntos ao encontro do Señor na nosa diocese de N... co noso Bispo N... que nos guía. Formando parte dun equipo seremos máis fortes e a diocese ofrécenos catequese, Cáritas, liturxia, misións, pastoral da saúde, coro. Sexamos agradecidos cos que dan tempo para que poidamos atopar coa nosa pequena luz a Cristo. E ofrezamos o noso tempo...**Coidas a túa oración? Como a fas? Como darlle máis calidade?**

3. ACTUAR: Coida a lámpada da oración

- Facemos un momento de oración en familia. Poñemos un cirio e acendémolo. Lemos o evanxeo de hoxe. Facemos peticións. -Falamos da nosa diocese, das actividades que se realizan, do bispo. **Que vas facer?**